



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 85 (13.418)

Баҳоси эркин нарҳда

ТОШКЕНТ ОҚШОМИ

АСОСИЙ МАҚСАД – ОДАМЛАРНИНГ РОЗИЛИГИ, ЮРТИМИЗ ОБОДЛИГИ

Ўзбекистон Республикаси Президенти Шавкат Мирзиёев пойтахтимизда амалга оширилаётган бунёдкорлик ишлари, ижтимоий-иқтисодий лойиҳалар билан танишиш, халқ билан мулоқот қилиш мақсадида 21 апрель куни Олмазор туманида бўлди.

Халқ билан мулоқот ва инсон манфаатлари йили мазмун-моҳияти ҳар жабҳада намоён бўлмоқда. Давлатимиз раҳбари вилоятлар, пойтахтимиз туманларига ташриф буюриб, одамлар билан мулоқот қилмоқда, масалаларни жойида ўрганиб, ижтимоий-иқтисодий тараққиётга доир устувор вазифаларни белгилаб бермоқда.

Мамлакатимизнинг барча ҳудудлари каби Олмазор туманида ҳам ишлаб чиқаришни ривожлантириш, ижтимоий объектлар бунёд этиш, маҳалла ва турар жойларни обод қилиш борасида кенг қўлмали ишлар амалга оширилмоқда.

Президентимиз Шавкат Мирзиёев мазкур туманда барпо этилаётган янги савдо маркази ва кўп қаватли уйлар лойиҳалари билан танишди.

Нурафшон ва Форобий кўчалари кесишган жойда уч қаватли “Эски шаҳар” савдо маркази барпо этилади. Бу ерда харидорларга қулайликлар яратиш мақсадида кафе, галерея, болалар ўйин майдончалари, автомобиллар тўхташ жойи ва бошқа объектлар қурилади. Марказ ишга тушгач, 250 киши иш билан таъминланади.

Давлатимиз раҳбари мазкур савдо комплекси қуриладиган жойни кўздан кечирди. Марказнинг учинчи қаватида “Китоб олами” дўкони ва миллий кино санъатимиз хазинасидан ўрин олган фильмлар намойиш қилинадиган кинозал барпо этиш кераклигини таъкидлади. Пойтахтимизда бундай йирик иншоотни барпо этишдан мақсад Эски шаҳар аҳолисининг турмуш фаровонлигини янада оширишдир. Бунинг учун комплексни замонавий архитектура талаблари асосида қуриш, атрофини ободонлаштириш, одамларга қулайликлар яратишга алоҳида эътибор қаратиш зарур.

Мутасадди раҳбарларга 2018 йил Наврўз байраминга мазкур объектни фойдаланишга топшириш бўйича кўрсатмалар берилди.

Давлатимиз раҳбари шу йил 3 февраль куни Тошкент шаҳрида амалга оширилаётган бунёдкорлик ишлари ва йирик лойиҳалар билан танишиш чоғида аҳолининг эҳтиёжи, талабидан келиб чиқиб, пойтахтимизнинг барча туманларида кўп қаватли замонавий арзон уйлар қуриш режалаштирилётганини қайд этган эди. Президентимизнинг 2017 йил 13 мартдаги 2017–2021 йилларда Тошкент шаҳрида кўп қаватли арзон уйлар қуриш қўламини кенгайтириш бўйича қўшимча чора-тадбирлар тўғрисидаги қарори бу борадаги ишларни тизимли йўлга қўйишда муҳим дастуриламал бўлмоқда.

Мазкур ҳужжатга мувофиқ Кичик халқа йўли ва Корасарой кўчаси кесишган ҳудудда 7 қаватли 12 турар жой барпо этиш бўйича лойиҳа ишлаб чиқилди. 800 хонадонга мўлжалланган ушбу уйлар эҳтиёжманд оилаларнинг яшаш шароитини яхшилаш, уларни арзон, замонавий уй билан таъминлашда муҳим аҳамият касб этади.

Президентимиз Эски шаҳарда яшовчи уй-жойга муҳтож оилаларни ҳисобга олиш, уйлар тақсимотида адолат мезонларига қатъий риоя қилиниши зарурлигини қайд этди.

Уйларни қуриш учун 5 гектардан зиёд ер ажратилади. Турар жойларни лойиҳалаштиришда иқлим шароити, санитария ва ҳавфсизлик талаблари ҳамда халқимизнинг миллий ҳаёт тарзига хос бошқа жиҳатлар ҳисобга олинган.

Давлатимиз раҳбари Кичикқўрғак канални бунёд этиладиган янги маданият ва истироҳат боғи лойиҳаси билан ҳам танишди. Мазкур боғни аҳоли фарзандлари билан сайр қиладиган, ҳордиқ чиқарадиган масканга айлантириш, бунда Тошкентнинг қадимий анъаналарини ҳисобга олиш лозимлиги алоҳида таъкидланди.

Президентимиз Шавкат Мирзиёев “Табассум” маҳалла фуқаролар йиғинида бўлиб, маҳалла ҳаёти билан танишди, аҳоли билан мулоқот қилди. Учрашувда тумани ижтимоий-иқтисодий ривожлантириш бўйича ислохотлар, ёшлар маънавиятини юксалтириш, китобхонлик маданиятини ошириш борасида амалга оширилаётган ишлар ҳақида сўз юритилди.

Маҳаллалар том маънода маданият ва маънавият масканига айланмоғи лозим, бунинг учун аҳоли, айниқса, ёшларнинг китобга қизиқишини ошириш зарур, деди Шавкат Мирзиёев. Китоб инсонга билим беради, унинг маънавий олами билан бойитилди, Ватанини севишга ўргатади.

“Табассум” маҳалласидаги 27 кўп қаватли уйда 5 минг 300 дан зиёд аҳоли истиқомат қилади. Маҳалла фуқаролар йиғини маркази биносида қурилиш ишлари амалга оширилмоқда.

Бу ерда маҳалла раиси, котиб ва маслаҳатчилар, профилактика инспектори учун алоҳида хизмат хоналари бўлиши кўзда тутилган. Сартарошхона, “Гўзаллик салони”, савдо дўкони, новвойхона қуриш режалаштирилган. Бу халқимизга хос ҳамжихатлик, меҳр-оқибат фазилатларини янада мустаҳкамлашга хизмат қилади.

Яқинда маҳалла ҳудудида болалар майдончаси, мини-футбол майдони қурилиб, фойдаланишга топширилди.

Ҳар бир раҳбар одамларнинг дардига қулоқ солиши, муаммоларини ҳал қилиши, бир сўз билан айтганда, уларни рози қилиш ташвиши билан ишлаши керак, деди давлатимиз раҳбари. Шунда уларнинг давлатга, келажакка ишончи ортади. Маҳаллаларни обод қилиш, халққа барча қулай шароитларни яратиш бу борада муҳим аҳамиятга эга.

Маҳалладаги кўп қаватли уйлар, мактабгача таълим муассасалари атрофини ободонлаштириш, йўлакларни таъмирлаш бўйича мутасаддиларга кўрсатмалар берилди.

Шавкат Мирзиёев Талабалар шаҳарчаси ҳудудида қуриладиган ахборот-ресурс маркази лойиҳаси билан танишди.

Мамлакатимизда таълим тизими изчил такомиллаштирилмоқда. Давлатимиз раҳбарининг жорий йил 20 апрелдаги “Олий таълим тизимини янада ривожлантириш чора-тадбирлари тўғрисида”ги қарори мазкур тизим сифатини янги босқичга кўтарди.

Ушбу қарорда кўплаб чора-тадбирлар қатори янги авлод ўқув адабиётлари яратиш, уларни олий таълим муассасаларининг яшилган жараёнига кенг татбиқ этиш, олий таълим муассасаларини замонавий ўқув, ўқув-методик ва илмий адабиётлар билан таъминлаш, жумладан, энг янги хорижий адабиётларни сотиб олиш ва таржима қилиш, ахборот-ресурс марказлари фондларини мунтазам янгиллаб бориш бўйича вазифалар белгиланган.

Янги марказ ана шундай замонавий талабларга жавоб беради. Мажмуа электрон-ресурслар, даврий адабиётлар, мўлаа, мультимедиа ва конференция залларини ўз ичига олади. Бу Мирзо Улугбек номидаги Ўзбекистон Миллий университети, Ислон Каримов номидаги Тошкент давлат техника университети, Абдулла Авлоний номидаги халқ таълими ходимларини қайта тайёрлаш ва уларнинг малакасини ошириш марказий институти, ўрта махсус таълим масканлари ўқувчи ва талабалари, профессор-ўқитувчиларига катта қулайлик яратади.

Президентимиз марказ лойиҳаси ва концепциясини такомиллаштириш, унинг фаолияти доирасини кенгайтириш бўйича кўрсатмалар берди. Мажмуани Олий ва ўрта махсус таълим вазирлиги ҳузуридаги Ўзбекистон талабаларининг Миллий илмий-маърифий маркази тарзида ташкил этиш зарурлигини таъкидлади. Бу ерда барча фанлар бўйича маълумотлар базаси бўлади. Замонавий технологиялар воситасида ундан мамлакатимиз олий таълим муассасалари фойдаланади. Дунёнинг етакчи университетлари билан ҳамкорлик ўрнатилиб, улардаги маърузаларни онлайн тарзда кузатиш имконияти яратилади. Марказ атрофида боғ барпо этилади, Ўзбекистон ва жаҳон мутафаккирларининг бюстлари ўрнатилади.

Шавкат Мирзиёев “Оникс Тошкент” масъулияти чекланган жамиятига ташриф буюрди.

Корхона Марказий Осиёда ягона бўлиб, бир суткада 20 тонна натрий-кальцийлик замонавий шиша идишлар ишлаб чиқаради. Европанинг етакчи мамлакатларида ишлаб чиқарилган замонавий дастгоҳлар билан жиҳозланган корхонада 200 киши меҳнат қилади.

Президентимиз корхонада ишлаб чиқарилаётган маҳсулотлар намуналарини кўздан кечирди.

Шу ерда 2017–2018 йилларда Олмазор туманининг саноат ва хизматлар соҳасини ривожлантириш бўйича лойиҳа тақдими бўлди. Унда аҳолини тадбиркорликка жалб қилиш, касб-хунар коллежлари битирувчиларини иш билан таъминлаш, бўш турган ва қурилиш тугалланмаган бино ва иншоотлардан самарали фойдаланиш кўзда тутилган.

Шавкат Мирзиёев бўш турган бинолар базасида замонавий ва талаб юқори бўлган маҳсулотлар ишлаб чиқаришни йўлга қўйиш бўйича кўрсатмалар берди.

“Ўзсаноатқурилишбанк”, “Асака” банки, Халқ банки, Миллий банк, “Ипотека-банк”, “Ипак

йўли” банклари томонидан Олмазор туманида ишга туширилаётган янги лойиҳаларга имтиёзли кредитлар ажратилмоқда. “Арт вуд груп” МЧЖ томонидан ёғоч маҳсулотларидан ЛДСП ва ЛМДФ ишлаб чиқариш лойиҳаси шулардан бири. Корхона маҳсулотларидан замонавий мебель ва буюмлар тайёрлашда фойдаланилади. “Ижоди-ижод” хусусий корхонаси сопол буюмлар, “Euroasia Alliance Tekes” МЧЖ дағал ип газлама, “Станко Строитель” МЧЖ металл ва ёғочга ишлов берадиган дастгоҳлар ишлаб чиқаришни йўлга қўяди.

“Интер капитал” МЧЖга қарашли бино ва иншоотларда дори воситалари ишлаб чиқариш, “Галеника” МЧЖда эса йилига 60 дан ортқ турдаги 225 миллион дона таблетка, капсула, саше ва бошқа импорт ўрнини босувчи дори воситалари ишлаб чиқарилади.

Президентимиз мазкур лойиҳаларни ишга тушириш мuddати ва яратиладиган иш ўринлари билан қизиқди.

Лойиҳаларда қурилиш материаллари, ёғоч, металл, полистеролбетон плиталари, ойнани қайта ишлаш, махсус ишчи кийимлари, қандалотчилик маҳсулотлари, тиббиёт буюмлари, нон ва нон маҳсулотлари, озик-овқат, енгил саноат маҳсулотлари ишлаб чиқариш, тиббий диагностика маркази очил кўзда тутилган.

Президентимиз тумандаги Имом Термизий жомеъ масжидида бўлди.

Бутун дунёда буюк аждодларимизнинг сўнамас даҳосига ҳурмат-эҳтиром, уларнинг бой илмий меросини ўрганишга қизиқиш хамиша юқори бўлган. Хорижий мамлакатларда уларнинг ҳаёти ва фаолияти ҳақида илмий ва бадиий асарлар яратилган.

Биринчи Президентимиз раҳнамолигида буюк олим ва мутафаккирларимиз, қадимий шаҳарларимиз юбилейлари халқаро миқёсда кенг нишонланди. Президентимиз Шавкат Мирзиёев раҳбарлигида улуг алломаларимиз, азиз-авлиёларимиз қадамжоларини обод этиш ишлари изчил давом эттирилмоқда. Миллий маънавий меросимизни тиклаш ва асраб-авайлаш, илм-фан ва таълимни ривожлантиришга алоҳида эътибор қаратилмоқда.

Буюк болаларимиз тафаккурни маҳсули бўлган тарих, адабиёт, санъат, ахлоқ, фалсафа, тиббиёт, математика, кимё, астрономия, меъморлик, дин ва бошқа соҳаларга оид минглаб ноёб асарлар бизнинг бебаҳо бойлигимиздир.

Ислон маданияти ривожига улкан ҳисса қўшган буюк аждодимиз Абу Исо Термизийнинг беназир меросини илмий асосда чуқур ўрганиш бўйича самарали ишлар амалга оширилмоқда.

Биз бахтиёр авлодмиз, бахтли халқмиз, чунки шундай буюк алломаларнинг ворисимиз, деди Президентимиз. Халқимиз фаровонлиги, мамлакатимиз раванки йўлида қилаётган ишларимиз билан улуг аждодларимизга муносиб бўлишимиз керак. Бу барчамиздан юксак масъулият талаб қилади.

Ҳазрати Имом (Ҳастимом) мажмуасида Ислон маданияти марказини ташкил қиламиз, деди Шавкат Мирзиёев. Ўртдошларимиз, мамлакатимизга келадиган меҳмонлар бу ерда буюк алломаларимизнинг бебаҳо мероси билан яқиндан танишиш имкониятига эга бўлмоғи лозим.

Мутасаддиларга масжидни реконструкция қилиш бўйича топшириқлар берилди.

Президентимиз Шавкат Мирзиёев раислигида Тошкент шаҳридаги Турин политехника университетида йиғилиш бўлиб ўтди. Унда Тошкент шаҳри ва туманлар ҳокимлари, тегишли вазирлик ва идоралар раҳбарлари, пойтахт жамоатчилиги вакиллари иштирок этди.

Йиғилишда давлатимиз раҳбари асос солган Ўзбекистон Республикаси Президентининг Виртуал қабулхонаси, жойлардаги Халқ қабулхоналари халқ билан мулоқотнинг муҳим тизимига айланиши, турли масалаларга ўз вақтида ечим топилиб, одамларни рози қилаётгани таъкидланди. 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси мамлакатимиз тараққиётини янги босқичга кўтаришга хизмат қилиши қайд этилди.

Учрашувда аҳолига зарур шароитлар яратиш, коммуникация тизимларини янгиллаш, ҳудудларни ободонлаштириш, тадбиркорлиқни ривожлантириш масалаларига алоҳида эътибор қаратилди.

Ўзбекистон Республикаси Президентининг
ҚАРОРИ

ОЛИЙ ТАЪЛИМ ТИЗИМИНИ ЯНАДА РИВОЖЛАНТИРИШ ЧОРА-ТАДБИРЛАРИ ТЎҒРИСИДА

Таъкидлаш жоизки, 2011–2016 йилларда Олий таълим муассасаларининг моддий-техника базасини мустаҳкамлаш ва юқори малакали мутахассислар тайёрлаш сифатини тубдан яхшилаш чора-тадбирлари дастурини амалга ошириш доирасида 25 та олий таълим муассасасининг 202 та объектида янги қурилиш, капитал таъмирлаш ва реконструкция ишлари бажарилиди.

Иқтисодиётнинг реал сектори талабларидан келиб чиқиб, муҳандислик, ишлаб чиқариш ва қурилиш йўналишлари ва ихтисосликлари бўйича ўқишга қабул қилиш, унинг умумий сонига нисбатан 23 фоиздан 33,2 фоизга ошди. Олий таълим соҳасида мутахассислар тайёрлаш, шунингдек, педагог кадрларни қайта тайёрлаш ва малакасини ошириш бўйича янгиланган давлат олий таълим стандартлари ва ўқув дастурлари жорий қилинди.

Шу билан бирга, Ўзбекистон Республикаси Президентининг 2016 йил 8 октябрдаги Ф-4724-сон фармойиши билан ташкил қилинган Ишчи гуруҳ томонидан олий таълим тизимидаги ҳолатни ўрганиш натижаларига кўра, бир қатор олий таълим муассасаларида ҳали ҳам илмий-педагогик салоҳиятнинг пастлиги, таълим жараёнларини ахборот-услувий ва ўқув адабиётлари билан таъминлаш замонавий талабларга жавоб бермаслиги, уларнинг моддий-техника базасини тизимли янгиллашга эҳтиёж мавжудлиги аниқланди.

Олий таълим тизимида ўз йўналишлари бўйича дунёнинг етакчи илмий-таълим муассасалари билан яқин ҳамкорлик алоқалари ўрнатиш, ўқув жараёнига илғор хорижий тажрибаларини жорий этиш, айниқса, истиқболли педагог ва илмий кадрларни хорижий етакчи илмий-таълим муассасаларида стажировкадан ўтказиш ва малакасини ошириш борасидаги ишлар етарли даражада олиб борилмаётти.

Олий таълим тизимини тубдан такомиллаштириш, мамлакатни ижтимоий-иқтисодий ривожлантиришнинг устувор вазифаларидан келиб чиққан ҳолда, кадрлар тайёрлаш мазмунини тубдан қайта қўриш, халқаро стандартлар даражасига мос олий маълумотли мутахассислар тайёрлаш учун зарур шароитлар яратилишини таъминлаш мақсадида:

1. Олий таълим тизимини келгусида янада такомиллаштириш ва комплекс ривожлантириш бўйича энг муҳим вазифалар этиб қуйидагилар белгилансин:

ҳар бир олий таълим муассасаси жаҳоннинг етакчи илмий-таълим муассасалари билан яқин ҳамкорлик алоқалари ўрнатиш, ўқув жараёнига халқаро таълим стандартларига асосланган илғор педагогик технологиялар, ўқув дастурлари ва ўқув-услувий материалларни кенг жорий қилиш, ўқув-педагогик фаолиятга, мастер-класслар ўтказишга, малака ошириш курсларига хорижий ҳамкор таълим муассасаларидан юқори малакали ўқитувчилар ва олимларни фаол жалб қилиш, уларнинг базасида тизимли асосда республикамиз олий таълим муассасалари магистрант, ёш ўқитувчи ва илмий ходимларининг стажировка ўташларини, профессор-ўқитувчиларни қайта тайёрлаш ва малакасини оширишни ташкил қилиш;

олий маълумотли мутахассислар тайёрлашнинг мақсадли параметрларини шакллантириш, олий таълим муассасаларида ўқитиш йўналишлари ва мутахассисликларини истиқболда минтақалар ва иқтисодиёт тармоқларини комплекс ривожлантириш, амалга оширилаётган ҳудудий ва тармоқ дастурларининг талабларини инобатга олган ҳолда оптималлаштириш;

таълим жараёнини, олий таълимнинг ўқув режа ва дастурларини янги педагогик технологиялар ва ўқитиш усулларини кенг жорий этиш, магистратура илмий-таълим жараёнини сифат жиҳатидан янгиллаш ва замонавий ташкилий шакллари жорий этиш асосида янада такомиллаштириш;

янги авлод ўқув адабиётларини яратиш ва уларни олий таълим муассасаларининг таълим жараёнига кенг татбиқ этиш, олий таълим муассасаларини замонавий ўқув, ўқув-методик ва илмий адабиётлар билан таъминлаш, шу жумладан, энг янги хорижий адабиётлар сотиб олиш ва таржима қилиш, ахборот-ресурс марказлари фондларини мунтазам янгиллаб бориш;

педагог кадрларнинг касб маҳорати сифати ва савиясини узлуксиз юксалтириш, хорижда педагог ва илмий ходимларнинг малакасини ошириш ва стажировкасини ўтказиш, олий таълим муассасалари битирувчиларини PhD ва магистратура дастурлари бўйича ўқитиш, олий таълим муассасалари ва қайта тайёрлаш ва малака ошириш марказлари ўқув жараёнларига юқори малакали хорижий олимлар, ўқитувчи ва мутахассисларни кенг жалб қилиш;

олий таълим муассасалари илмий салоҳиятини мустаҳкамлаш, олий таълимда илм-фани янада ривожлантириш, унинг академик илм-фан билан интеграциялашуви кучайтириш, олий таълим муассасалари профессор-ўқитувчиларининг илмий-тадқиқот фаолияти самарадорлиги ва натижадорлигини ошириш, иқтидорли талаба-ёшларни илмий фаолият билан шуғулланишга кенг жалб этиш;

олий таълимнинг маънавий-ахлоқий мазмунини ошириш, талаба-ёшларга мустақиллик ғояларига, юксак маънавият ва инсонийликнинг миллий анъаналарига содиқлик руҳини чуқур сингдириш, уларда ёт ғоя ва мафқураларга нисбатан иммунитет ва танқидий тафаккурни мустаҳкамлаш бўйича кенг қўлмали маърифий ва тарбиявий ишларни олиб бориш;

олий таълим муассасалари моддий-техника базасини ўқув ва илмий-лаборатория бино ва корпуслари, спорт иншоотлари, ижтимоий-муҳандислик инфратузилмаси объектларини қуриш, реконструкция қилиш ва капитал таъмирлаш, олий таълим илм-фанининг устувор йўналишлари бўйича ўқув-илмий лабораторияларини замонавий асбоб ва ускуналар билан жиҳозлаш орқали янада мустаҳкамлаш;

(Давоми 2-бетда)

ЎЗА

Ўзбекистон Республикаси Президентининг
ҚАРОРИОЛИЙ ТАЪЛИМ ТИЗИМИНИ ЯНАДА РИВОЖЛАНТИРИШ
ЧОРА-ТАДБИРЛАРИ ТЎҒРИСИДА

(Давоми. Боши 1-бетда)

олий таълим муассасаларини замонавий ахборот-коммуникация технологиялари воситалари билан жиҳозлаш, олий таълим муассасалари талабалари, ўқитувчилари ва ёш тадқиқотчиларининг жаҳон таълим ресурслари, замонавий илмий адабиётларнинг электрон каталоглари ва маълумотлар базаларига кириш имкониятларини кенгайтириш.

2. 2017-2021 йилларда Олий таълим тизимини комплекс ривожлантириш дастури (кейинги ўринларда – Дастур), унинг таркибиди қуйидагилар:

2017-2021 йилларда олий таълим тизимини тубдан тақомиллаштириш бўйича комплекс чора-тадбирлари 1-иловага мувофиқ;

2017-2021 йилларда олий таълим муассасаларининг моддий-техника базасини мустаҳкамлаш ва модернизациялаш, уларни замонавий ўқув-илмий лабораториялар, замонавий ахборот-коммуникация технологиялари воситалари билан жиҳозлаш комплекс чора-тадбирлари 2-иловага мувофиқ;

2017-2021 йилларда Олий таълим тизимини комплекс ривожлантириш дастурига амалга ошириш молиявий харажатлар ҳажмининг ҳисобланган параметрлари 3-иловага мувофиқ;

2017-2021 йилларда қурилиш, реконструкция қилиш ва капитал таъмирлашнинг ҳар йили тасдиқланадиган манзилли дастурларига киритиладиган олий таълим муассасалари рўйхати 4-иловага мувофиқ;

2017-2021 йилларда ўқув ва илмий лаборатория ускуналари билан жиҳозлашнинг ҳар йили тасдиқланадиган манзилли дастурларига киритиладиган олий таълим муассасалари рўйхати 5-иловага мувофиқ;

2017-2021 йилларда олий таълим муассасаларини ривожлантиришнинг манзилли дастурлари 6-74 иловаларга мувофиқ тасдиқлансин.

3. Ўзбекистон Республикаси Вазирлар Маҳкамаси икки ой муддат ичида Ўзбекистон Республикаси Президентининг ёш педагог ва илмий ходимлар малакасини ошириш бўйича "Истеъдод" фондининг фаолиятини тубдан қайта қўриб чиқиш бўйича тақдирларни, қуйидагиларни инobatта олган ҳолда, тайёрласин:

хорижий таълим ва илмий муассасаларида олий таълим муассасаларининг педагог ва илмий ходимлар малакасини ошириш, стажировкасини ўтказиш, битирувчиларнинг PhD ва магистратура дастурларида ўқитишни ташкиллаштириш бўйича амалий чора-тадбирларни;

юкори малакали хорижий олим, ўқитувчи ва мутахассисларни хорижий олий таълим ва илмий муассасалар билан ҳамкорлик механизми ва шакллари жорий этишнинг устувор йўналишларини инobatта олган ҳолда, Олий таълим муассасалари ва педагог кадрларни қайта тайёрлаш ва малакасини ошириш тармоқ марказлари ўқув жараёнига кенг жалб этиш бўйича чора-тадбирлар дастурини;

"Истеъдод" фондининг молиявий ресурсларини шакллантириш манбаси сифатида Ўзбекистон Республикаси Молия вазирлиги ҳузуридаги Таълим ва тиббиёт муассасалари моддий-техника базасини ривожлантириш жамғармаси маблағларини жалб этиш.

4. Шундай тартиб ўрнатилсинки, унга мувофиқ хорижий олим, ўқитувчи ва мутахассисларни республика олий таълим муассасалари, Олий таълим муассасалари ва педагог кадрларни қайта тайёрлаш ва малакасини ошириш тармоқ марказлари (кейинги ўринларда – Тармоқ марказлари) ўқув жараёнига жалб этишда:

Ўзбекистон Республикаси Олий ва ўрта махсус таълим вазирлигининг Молия вазирлиги билан келишилган тақлифлари асосида хорижий олим, ўқитувчи ва мутахассисларнинг меҳнатига ҳақ тўлаш меҳнат шартномасида белгиланган миқдорда эркин конвертация қилинадиган валютада амалга оширилади;

хорижий олим, ўқитувчи ва мутахассислар учун икки томонга авиачипталарни сотиб олиш харажатлари (узoқ муд-

датли меҳнат шартномаларида бир йилда икки мартадан ошмаган ҳолда) олий таълим муассасалари, Тармоқ марказлари томонидан миллий валютада тўланади;

хорижий олим, ўқитувчи ва мутахассисларнинг бир ой-дан ошмаган муддатга тузилган қисқа муддатли меҳнат шартномалари бўйича республика меҳмонхоналарида яшаш харажатлари олий таълим муассасаси, Тармоқ марказлари томонидан миллий валютада тўланади, бундан узoқ муддатга тузиладиган меҳнат шартномалари бўйича хорижий олим, ўқитувчи ва мутахассисларнинг уй-жой ижара харажатлари тузилган шартнома шартларига мувофиқ ойлик маошларини тўлашда амалга оширилади;

хорижий олим, ўқитувчи ва мутахассисларга Ўзбекистон Республикасида бўлган даврида кунлик сафар харажатлари 20 АҚШ доллари эквивалентидаги кундалик меъёр бўйича Ўзбекистон Республикаси Марказий банкнинг тўлов кундаги курси бўйича миллий валютада тўланади;

олий таълим муассасалари, Тармоқ марказлари ўқув жараёнига жалб қилинадиган хорижий олим, ўқитувчи ва мутахассислар тузилган меҳнат шартномаси доирасида олинадиган даромадлари жисмоний шахслар даромад солиқлари тўлашдан озод этилади;

олий таълим муассасалари, Тармоқ марказлари ўқув жараёнига жалб қилинадиган хорижий олим, ўқитувчи ва мутахассислар тузилган меҳнат шартномаси доирасида олинадиган даромадлари ягона ижтимоий тўловларидан озод этилади;

хорижий олим, ўқитувчи ва мутахассисларни жалб этиш ва уларнинг моддий таъминоти бўйича харажатларни молиялаштириш манбаси сифатида олий таълим муассасалари ва Тармоқ марказларига ўрнатилган тартибда ажратиладиган бюджет маблағлари, олий таълим муассасаларининг бюджетдан ташқари маблағлари, халқаро молия ва бошқа ташкилотлар, хорижий ҳукумат ташкилотларининг грантлари, шунингдек, қонунчиликда тақиқланмаган бошқа манбалар ҳисобланади.

5. Таълим ва ўқитиш сифати устидан самарали давлат назоратини ўрнатиш мақсадида Давлат тест марказининг Кадрлар тайёрлаш сифатини назорат қилиш, педагог кадрлар ва таълим муассасаларини аттестация қилиш бошқармаси негизида Ўзбекистон Республикаси Вазирлар Маҳкамаси ҳузурида Таълим сифатини назорат қилиш давлат инспекцияси ташкил этилсин ва унинг асосий вазифалари этиб: таълим тизимида ўқув-тарбия жараёнилари, профессор-ўқитувчилар таркиби, кадрлар тайёрлаш ва уларнинг малакасини ошириш сифатини назорат қилиш бўйича давлат сиёсатини амалга ошириш; идоравий мансублиги ва мулкчилик шаклидан қатъи назар, таълим муассасаларини аттестация ва давлат аккредитациясидан ўтказиш белгилансин.

Ўзбекистон Республикаси Вазирлар Маҳкамаси уч ой муддатда Таълим сифатини назорат қилиш бўйича давлат инспекцияси фаолиятини ташкил қилиш бўйича Ҳукумат қарорини қабул қилсин.

6. Ўзбекистон Республикаси Иқтисодиёт вазирлиги, Олий ва ўрта махсус таълим вазирлигининг манфаъаддор давлат бошқаруви органлари билан келишилган қуйидаги тақлифлари қабул қилинсин:

Наманган муҳандислик-педагогика институтини Наманган муҳандислик-қурилиш институтига айлантириш ва унинг иxtисослашувини ўзгартириш;

Термиз шаҳрида Тошкент давлат техника университети ва Тошкент давлат аграр университети филиалларини ташкил қилиш.

Вазирлар Маҳкамаси уч ой муддатда мазкур таълим муассасаларида ўқув-тарбия жараёнини тўлиқ ташкил қилиш, профессор-ўқитувчилар таркибини бутлаш, зарур моддий-техника ва ўқув-лаборатория базасини шакллантиришни назарда тутувчи Ҳукумат қарорини қабул қилсин.

7. 2017-2021 йилларда Олий таълим тизимини комплекс ривожлантириш дастурини ўз вақтида ва сифатли амал-

га оширилишини таъминлаш бўйича ишларни самарали мувофиқлаштириш учун 75-сонли иловдаги таркибга мувофиқ Комиссия ташкил қилинсин.

Комиссия (А.Н.Арипов):

Ўзбекистон Республикаси Олий ва ўрта махсус таълим вазирлиги, Молия вазирлиги ва Иқтисодиёт вазирлиги, тасарруфда олий таълим муассасалари мавжуд вазирлик ва идораларнинг тақлифлари бўйича ҳар йили, молиявий харажатларнинг умумий тасдиқланган параметрлари доирасида, олий таълим муассасаларининг ўқув ва илмий-лаборатория бино ва корпуслари, спорт иншоотлари ва ижтимоий-муҳандислик инфратузилмаси объектларини уларнинг техник ҳолатини, шунингдек, ҳар бир олий таълим муассасасининг моддий-техника таъминотини инobatта олган ҳолда қуриш, реконструкция қилиш, капитал таъмирлаш ва жиҳозлаш манзилли рўйхатларини тасдиқласин;

Ўзбекистон Республикаси Олий ва ўрта махсус таълим вазирлиги, Молия вазирлиги ва Иқтисодиёт вазирлиги, тасарруфда олий таълим муассасалари мавжуд вазирлик ва идораларнинг асосланган тақлифлари бўйича молиявий йил учун белгиланган капитал қўйилмалар доирасида тасдиқланган манзилли рўйхатлар параметрларига ўзгартиришлар киритиб бурсин;

Дастурнинг амалга оширилиб бориши бўйича тизимли мониторинг ўрнатсин ва унинг бажарилиш натижаларини Вазирлар Маҳкамасининг ярим йил ва йил ақунлари бўйича ўтказиладиган йиғилишлари муҳокамасига киритиб бурсин.

8. Ўзбекистон Республикаси Инвестициялар бўйича давлат қўмитаси манфаъаддор вазирлик ва идоралар билан биргаликда Дастурни амалга ошириш учун имтиёзли хорижий кредитлар ва грантларни жалб қилиш бўйича халқаро молиявий институтлар ва хорижий донорлар билан тизимли ишлар олиб бурсин.

9. Дастурнинг молиялаштириш манбалари этиб қуйидагилар белгилансин:

ўқув ва илмий-лаборатория бинолари ва корпуслари, спорт иншоотлари ва ижтимоий-муҳандислик инфратузилмаси объектларини қуриш, реконструкция қилиш, капитал таъмирлаш ва жиҳозлаш бўйича – Ўзбекистон Республикаси Молия вазирлиги ҳузуридаги Таълим ва тиббиёт муассасаларининг моддий-техника базасини ривожлантириш жамғармаси маблағлари;

Навоий қончиллик институти, Тошкент ахборот технологиялари университети ва унинг филиаллари ҳамда Тошкент темир йўл муҳандислари институтининг ўқув ва илмий-лаборатория бинолари ва корпуслари, спорт иншоотлари ва ижтимоий-муҳандислик инфратузилмаси объектларини қуриш, реконструкция қилиш, капитал таъмирлаш ва жиҳозлаш бўйича – идоравий мансублиги бўйича тегишли ташкилотларнинг ўз маблағлари.

10. Ўзбекистон Республикаси Иқтисодиёт вазирлиги, Молия вазирлиги 2018 йил ва кейинги йиллар учун Ўзбекистон Республикаси Инвестиция дастурлари параметрларини шакллантиришда, Комиссия қарори асосида, олий таълим муассасаларида қурилиш, реконструкция қилиш, капитал таъмирлаш ва жиҳозлаш ишлари учун зарур маблағларни Ўзбекистон Республикаси Молия вазирлиги ҳузуридаги Таълим ва тиббиёт муассасаларининг моддий-техника базасини ривожлантириш жамғармаси ресурсларидан ажратилишини назарда тутсин.

11. Белгилансинки, Дастурни амалга оширишни молиялаштириш учун 2017-2021 йиллар мобайнида ҳўжалик юртуви субъектлар томонидан йўналтирилган хайрия маблағлари фойда солигини ҳисоблашда ва ягона солиқ тўловини тўлашда солиққа тортиш базасидан чиқарилади.

12. Ўзбекистон Республикаси Давлат архитектура ва қурилиш қўмитаси ва Олий ва ўрта махсус таълим вазирлигининг олий таълим муассасалари ўқув ва илмий-лаборатория бинолари ва корпуслари, спорт иншоотлари ва ижтимоий-муҳандислик инфратузилмаси объектларини қуриш, реконструкция қилиш ва капитал таъмирлашнинг лойиҳалаш-

тиришда қўлланиладиган ягона техник топшириқ ва талаблар концепциясини ишлаб чиқиш бўйича бош лойиҳачи ташкилот сифатида "Ташгипрогор" акциядорлик жамиятини белгилаш тўғрисидаги тақлифига розилик берилсин.

13. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:

Ўзбекистон Республикаси Олий ва ўрта махсус таълим вазирлиги, тасарруфда олий таълим муассасалари мавжуд вазирлик ва идораларга олий таълим муассасаларида қурилиш, реконструкция қилиш ва капитал таъмирлаш бўйича ишларни ташкил этишда, жумладан, зарур ҳолларда, уларга ер майдонларини ажратиш тўғрисида қарор қабул қилишда ва ташки муҳандислик коммуникацияларига уланишда қўмаклашсин;

олий таълим муассасаларининг ташки муҳандислик коммуникацияларига уланишда оптимал техник шароитлар яратилишини таъминласин.

Олий таълим муассасалари ихтиёридаги ер майдонларини тасарруф этиш Ўзбекистон Республикаси Вазирлар Маҳкамаси қарорлари асосида амалга оширилиши белгилансин.

14. Қуйидагилар 2022 йилнинг 1 январига:

2017-2021 йилларда Олий таълим тизимини комплекс ривожлантириш дастури, Ўзбекистон Республикаси Президентининг 2011 йил 21 майдаги ПК-1533-сонли қарори билан тасдиқланган 2011-2016 йилларда Олий таълим муассасаларининг моддий-техника базасини мустаҳкамлаш ва юкори малакали мутахассислар тайёрлаш сифатини тубдан яхшилаш чора-тадбирлари дастури доирасида олиб қилинадиган замонавий ўқув-лаборатория, илмий-лаборатория ва компьютер ускуналари, сарфланадиган лаборатория материаллари (бутиловчи материаллар, реактивлар, кимёвий идиш, биологик материаллар ва объектлар), дастурий маҳсулотлар, Вазирлар Маҳкамаси томонидан тасдиқланган рўйхат бўйича хорижий ўқув ва илмий-методик адабиётлар божхона тўловларидан (божхона расмийлаштируви йиғимлари бундан мустасно);

таълим ва илмий-тадқиқот ташкилотлари ҳўжалик юртуви субъектлар билан тузилган шартномалар бўйича бажариладиган амалий, инновацион илмий-тадқиқот ва тажриба-конструкторлик ишлари бўйича юридик шахсларнинг даромад солиғи, ягона солиқ тўлови, қўшимча қиймат солиғи ва давлатнинг мақсадли жамғармаларига мажбурий тўловлардан (ягона ижтимоий тўловдан ташқари) озод этилсин.

15. Ўзбекистон Республикаси Давлат архитектура ва қурилиш қўмитаси:

Ўзбекистон Республикаси Олий ва ўрта махсус таълим вазирлиги билан биргаликда икки ой муддатда олий таълим соҳасида замонавий стандартлар талабларидан келиб чиқиб, мавжуд майдонлардан оптимал фойдаланиш, замонавий ресурс ва энергия тежамкор технологияларни қўллаш, шунингдек, маҳаллий ишлаб чиқариладиган қурилиш материаллари ва бутловчи қисмлардан устувор фойдаланишни назарда тутган ҳолда олий таълим муассасалари бўйича шахрсозлиқ қурилиш меъёрлари ва қоидаларини танқидий қайта қўриб чиқсин;

ишлаб чиқариладиган лойиҳа-смета ҳўжатлари, берилган эксперт ҳўлосалари ва қурилиш-монтаж ишларининг бажарилиши сифати устидан доимий ва тизимли назоратни таъминласин.

16. Мазкур қарорнинг бажарилишини назорат қилиш Ўзбекистон Республикасининг Бош вазир А.Н.Арипов ва Ўзбекистон Республикаси Президентининг Давлат маслаҳатчиси А.Н.Юнусходжаев зиммасига юклансин.

Ўзбекистон Республикаси Президенти Ш.МИРЗИЁЕВ

Тошкент шаҳри,
2017 йил 20 апрель

ЎЗБЕКИСТОН РЕСПУБЛИКАСИ ПРЕЗИДЕНТИНИНГ “ОЛИЙ ТАЪЛИМ ТИЗИМИНИ ЯНАДА
РИВОЖЛАНТИРИШ ЧОРА-ТАДБИРЛАРИ ТЎҒРИСИДА”ГИ ҚАРОРИГА ШАРҲ

Ўзбекистон Республикаси Президентининг "Олий таълим тизимини янада ривожлантириш чора-тадбирлари тўғрисида"ги қарори олий таълим тизимини тубдан тақомиллаштириш, мамлакатимизни ижтимоий-иқтисодий ривожлантириш борасидаги устувор вазифаларга мос ҳолда, кадрлар тайёрлашнинг маъно-мазмунини тубдан қайта қўриб чиқиш, халқаро стандартлар даражасида олий малакали мутахассислар тайёрлаш учун зарур шароитлар яратиш мақсадида қабул қилинган.

Мустақиллик йилларида иқтисодиётнинг, ижтимоий ҳаётнинг реал талабларидан келиб чиққан ҳолда, юртимизда олий таълим тизимини модернизация қилиш, унга ўқитишнинг замонавий шакл ва технологияларини жорий этиш, мутахассислар тайёрлаш бўйича иқтисодий йўналишларини тақомиллаштириш борасида катта ишлар қилинди.

Шу билан бирга, Ўзбекистон Республикаси Президентининг 2016 йил 8 октябрдаги фармойиши асосида тузилган ишчи гуруҳ томонидан олий таълим тизимидagi муаммоларни ўрганиш натижалари шунки қаражат ҳолати, қатор олий таълим муассасаларида илмий-педагогик салоҳият хануз паст даражада қолмакда, таълим жараёнининг ўқув-методик ва ахборот таъминоти замонавий талабларга мос эмас, моддий-техника базаси тизимли равишда янгиланишга муҳтож. Олий таълим тизимида ўқув жараёнига илгор халқаро тажриба-ни кенг жорий этиш, етакчи хорижий турдош илмий-таълим муассасалари билан ақин ҳамкорлик алоқаларини йўлга қўйиш орқали педагог ва илмий кадрлар малакасини ошириш борасидаги ишлар талаб даражасида олиб бориламанпти.

Қабул қилинган қарорга кўра, қуйидагилар олий таълим тизимини келгусида комплекс ривожлантиришнинг энг муҳим вазифалари этиб белгиланди:

ҳар бир олий таълим муассасаси томонидан хориждаги етакчи турдош илмий-таълим муассасалари билан истиқболли ҳамкорлик алоқаларини яқиндан йўлга қўйиш, ўқув жараёнига халқаро таълим стандартларига асосланган энг замонавий педагогик технологиялар, таълим дастурлари ва ўқув-методик материалларни кенг жорий этиш, илмий-педагогик фаолиятга юкори малакали чет эл ўқитувчилари ва олимларини жалб этиш;

олий таълим муассасаларида олий таълим муассасаларидаги иқтисодий йўналишлар ва мутахассисларнинг ҳудудлар ва соҳалар бўйича жорий этилаётган дастурларнинг талаб ва эҳтиёжлари, иқтисодиёт тармоқлари ва ҳудудларини комплекс тарққий эътириш истиқболларини инobatта олган ҳолда оптималлаштириш;

янги авлод ўқув қўлланмаларини яратиш ва олий таълим тизимига кенг таътиб этиш, олий таълим муассасаларини замонавий ўқув-методик ва илмий адабиётлар билан таъминлаш, жумладан, энг янги хорижий адабиётларни сотиб олиш ва таржима қилиш негизида ахборот-ресурс марказлари фондларини мунтазам янгилаб бориш;

педагог кадрларнинг малакасини ва маҳоратини сифат жиҳатидан кўбтазада ошириб бориш, педагог ва илмий ходимларнинг стажировкадан ўтишини йўлга қўйиш, олий таълим муассасалари битирувчиларини PhD дастури ва хорижий магистратура дастурлари асосида ўқитиш;

олий таълим муассасаларининг илмий салоҳиятини мустаҳкамлаш, олий таълим тизимида илмий тадқиқотларни янада ривожлантириш, уларнинг академик илм-фан билан интеграциясини кучайтириш, профессор-ўқитувчилар таркибининг илмий фаолияти самарадорлигини ошириш, иқтидорли талаба-вшарларни илмий фаолият билан шўғулланишга жалб этиш;

олий таълимнинг маънавий-ахлоқий мазмунини кучайтириш, талаба-вшарларнинг қалби ва онига миллий истиқлол ғоясини, халқимизнинг юксак маънавияти ва инсонпарварлик аъналарига садоқат туйғусини чуқур синдириш, биз учун муҳтож ёт ва бегона бўлган ғояларга нисбатан уларда мустаҳкам иммунитет ва танқидий муносабатни шакллантириш;

олий таълим муассасалари моддий-техника базасини уларнинг ўқув ва илмий-лаборатория биноларини, спорт иншоотлари ва ижтимоий-муҳандислик инфратузилмаларини қуриш, капитал таъмирлаш ва реконструкция қилиш орқали янада мустаҳкамлаш, замонавий илм-фан соҳаларининг устувор йўналишлари бўйича ўқув-илмий лабораториялар базасини замонавий асбоб-ускуналар билан таъминлаш;

олий таълим муассасаларини замонавий ахборот-коммуникация технологиялари воситалари

билан таъминлаш, талабалар, ўқитувчи ва ёш тадқиқотчиларнинг жаҳондаги илгор таълим ресурслари, илмий адабиётлар ва маълумотлар базаси бўйича электрон каталогларга кириш имкониятини кенгайтириш.

Қарорда белгиланган вазифаларнинг самарали ечимини тўлиқ таъминлаш мақсадида олий таълим даражасини сифат жиҳатидан ошириш ва тубдан тақомиллаштириш, олий таълим муассасалари моддий-техника базасини мустаҳкамлаш ва модернизация қилиш, уларни замонавий ўқув-илмий лабораториялари, ахборот-коммуникация технологиялари билан жиҳозлаш мақсадида Олий таълим тизимини 2017-2021 йилларга мўлжалланган комплекс ривожлантириш дастури тасдиқланди.

Дастурга мувофиқ, 2017-2021 йилларда 48 та олий таълим муассасасида жами 180 та ўқув, илмий-лаборатория бинолари, спорт иншоотлари ва ижтимоий-муҳандислик инфратузилмалари объектларида қурилиш, реконструкция ва капитал таъмирлаш ишлари олиб борилади. Шунингдек, 53 та олий таълим муассасасида 400 та лабораториясини босқимча-босқич энг замонавий ўқув-лаборатория ускуналари билан жиҳозланади, 7 та олий таълим муассасасида барча олий таълим муассасалари ўзаро ҳамкорликда фойдаланадиган илмий лабораториялар ташкил этилади.

Қарорнинг муҳим аҳамиятини кўрсатадиган яна бир жиҳат шундан иборатки, мамлакатимиз Президентини томонидан ҳар бир олий таълим муассасаси бўйича қуйидаги конкрет параметр ва кўрсаткичларни ўз ичига олган манзилли ривожлантириш дастурлари тасдиқланди: олий таълим тизимида янги таълим иқтисодик йўналишлари ва мутахассисликларининг, шунингдек, иқтисодиёт соҳалари ва ҳудудларини комплекс ривожлантиришнинг жорий ва истиқболдаги эҳтиёжларидан келиб чиққан ҳолда ишлаб чиқилган ва бакалаврият ва магистратурага талабалар қабул қилишнинг умумий кўрсаткичларини 2021 йилгача босқимча-босқич равишда 18 фоизгача оширишни назарда тутадиган 2017-2021 йилларга мўлжалланган параметр ва кўрсаткичлари;

ўқув бинолари, талабалар турар жойлари, ахборот-ресурс марказлари ва бошқа объектларни қуриш, реконструкция қилиш ва капитал таъмирлаш ҳисобидан янги ўқув ўринларини ташкил этиш, янги ўқув-лаборатория комплексла-

рини сотиб олиш, аудиторияларни компьютер техникаси билан жиҳозлаш;

профессор-ўқитувчиларнинг касб маҳоратини, педагог ҳодимларнинг малакасини ошириш, шунингдек, уларнинг хорижий ҳамкор олий ўқув юртиларига малака ошириш, магистратура, докторантурада таълим олиши, ҳамда республикамизнинг таянч олий ўқув юртилари қошида қайта тайёргарликдан ўтиши ва малака ошириш.

Мазкур дастурда асосан мамлакатимизнинг ҳар бир олий таълим муассасаси билан АҚШ, Буюк Британия, Франция, Италия, Нидерландия, Россия, Япония, Жанубий Корея, Хитой ва шу каби бошқа давлатларнинг етакчи илмий-таълим муассасалари билан ҳамкорлик алоқаларининг ўрнатилгани ўта муҳим аҳамият касб этади. Шу асосда ҳар йили 350 нафардан ортқ хорижлик юкори малакали педагог ва олимларнинг мамлакатимиз олий ўқув юртиларига ўқув жараёнига жалб этилиши кўзда тутилмоқда.

Амалиёт шунки кўрсатмоқда, олий таълим муассасалари педагог ҳодимларининг меҳнатига ҳақ тўлаш бўйича амалдаги тизимни жиддий тақомиллаштириш ва бу борада моддий рағбатлантиришнинг энг механизмлари жорий этишга эҳтиёж сезилмоқда. Шу муносабат билан Ўзбекистон Республикасининг Молия вазирлиги, Олий ва ўрта махсус таълим вазирлиги, Меҳнат вазирлиги, Соғлиқни сақлаш вазирлиги ва Халқ таълими вазирлигига уч ой муддатда илгор халқаро тажрибадан келиб чиқиб, олий ўқув юртилари педагог ҳодимларига уларнинг касб маҳорати, фаолиятидаги юкори натижадорлик ва тарбиявий соҳадаги самарали иштирокини инobatта олиб, устима ҳақ тўлашнинг белгиланган тизими бўйича Вазирлар Маҳкамасига тақлифлар киритиш вазифаси топширилди.

Қарорга мувофиқ, Вазирлар Маҳкамасига икки ой муддатда иқтидорли ёш педагог ва илмий ходимларнинг малакасини ошириш бўйича Ўзбекистон Республикаси Президентининг "Истеъдод" жамғармаси фаолиятини тубдан қайта қўриб чиқиш, хорижий таълим муассасалари ва илмий марказларида илмий-педагог ҳодимларнинг малака ошириш ва қайта тайёргарликдан ўтишини, олий таълим муассасалари битирувчиларининг PhD дастури ва уларнинг магистратурада ўқишини ташкил этиш бўйича чора-тадбирлар кўзда тутилган тақлифлар киритиш топширилмоқда.

Таъкидлаш жоизки

9 май – Хотира ва қадрлаш куни

ЭХТИРОМ ВА ЭЪЗОЗ

Иккинчи жаҳон уруши қатнашчилари ҳамда Ватанимиз равнақи йўлида фидокорона меҳнат қилган фахрийларга юксак ҳурмат-эҳтиром кўрсатилаётгани мамлакатимизда инсон шайни ва қадр-қиммати олий қадрият даражасига кўтарилганининг далолати.

Давлатимиз раҳбарининг 2017 йил 4 апрелдаги “Иккинчи жаҳон уруши қатнашчиларини рағбатлантириш тўғрисида”ги Фармони ва “Хотира ва қадрлаш кунига тайёргарлик кўриш ва уни ўтказиш чора-тадбирлари тўғрисида”ги Қарори нуронийларга кўрсатилаётган эътибор ва эҳтиромнинг амалдаги ифодасидир.

Мазкур ҳужжатлар ижроси доирасида Ўзбекистон Республикаси Мудофаа вазирлиги вакиллари “Нуроний” жамғармаси ва қатор ташкилотлар билан ҳамкорликда уруш қатнашчилари ва фронт ортида меҳнат қилган фахрийлар ҳолидан хабар олмақда.

Тошкент ҳарбий округи қўшинлари кўмондони Л.Бузруков, Ўзбекистон Журналистлари ижодий уюмлари раиси ўринбосари У.Мирзаёров ва бошқалар пойтахтимизнинг Олмазор туманида истиқомат қилаётган тўқсон беш ёшли Аминжон ота Алиевга Президентимиз номидан пул мукофоти ҳамда қимматбаҳо совға-саломларни тантанали тарзда топширди.

А.Алиев урушдан қайтган, Тошкент Тиббиёт академиясида ўқиди. Институтни битиргач, қирқ йил тиббиёт соҳасида самарали фаолият юритди. Турмуш ўртоғи Раҳбархон ая билан олти фарзандни тарбиялади. Уларнинг барчаси ота касбини танлаб, тиббиёт тизимида фаолият кўрсатмоқда.

Она юртимиз тинчлиги ва осойишталиги йўлида фидойилик кўрсатган инсонларнинг Ватан олдидаги хизматлари ҳеч қачон унутилмайди.

Аминжон отанинг ҳам меҳнати эътироф этилиб, истиқлол йилларида Биринчи Президентимиз фармонларига биноан “Жасорат” ва “Шуҳрат” медаллари билан тақдирланди.

– Умримнинг энг навоқирон чоғи уруш деб аталган офат даврига тўғри келди, – дейди Аминжон ота ЎЗА муҳбирига. – У совуқ кунларни эслашни ҳам хохламайман. Инсон учун тинчлик ва тотувликдан кўра қадрироқ неъмат йўқ. Яратганга бехисоб шукр, мамлакатимиз мустақиллигини ҳам кўриш насиб этди. Набираларим кўмагида пойтахтимизни айланишни яхши кўраман. Осмонўпар иморатлар, қурилаётган янги уй-жойлар, истироҳат боғларини кўриб, завқим ошади. Фарзандларимга “Бугун юрт равнақи йўлида меҳр бериб фидойилик кўрсатиб ишлайдиган замон келди”, дейман. Бунинг омили – истиқлолимизга умрбоқийлик тилайман.

Катта ҳаётий тажрибага эга мўтабаб нуронийларимиз турли тадбирларда, ёшлар билан суҳбатларда тинчликнинг, бугунги осойишта ва фаровон кунларнинг қадрига етиш ҳақида тўлқинланиб гапирди. Ана шулар қаторида пойтахтимизнинг Олмазор туманида яшовчи тўқсон икки ёшни қаршилаган Василий Яниев ҳам бор. Отаҳоннинг хонадони ҳам шу кунлари йўқлаб келувчи-



О.А.АМИНЖОН ОТА

лар билан гавжум. Яқинлари, оила аъзолари бир дастурхон атрофида йиғилган.

В.Яниев 18 ёшида фронтга кетган. Жанглардан бирида қаттиқ яраланган. У ҳозир ҳам жанговар дўстлари, ҳарбий хизматни ўтаган жойлари тез-тез хотирлайди. Отаҳон урушдан сўнг умрини ҳарбий хизматга бағишлади.

Кекса авлод вакилларида давлатимиз томонидан кўрсатилаётган эътибор ва ғамхўрлик, ёшларнинг ҳурмат ва эҳтироми мамлакатимизда инсон манфаати, унинг шайни ҳамма нарсадан устун экани далолатдир. Жорий йилда ҳам отаҳонга Тошкент вилоятидаги “Бўстон” санаторийсида саломатлигини мустаҳкамлаш, мазмунли ҳордиқ чиқариши учун бепул йўлланма берилди.

Қуролли Кучлар марказий ашула ва рақс ансамбли хонандаларининг тинчликни, Ватанни мадҳ этувчи ашулалари нуронийларга кўтаринки қайфият бағишлади.

Ш.МАМАТУРОВА

Ўзбекистон Республикаси Бош прокуратурасида малакали юридик кадрлар тайёрлаш масаласига бағишланган учрашув ташкил этилди.

Унда талабалар, профессор-ўқитувчилар, прокуратура масъул ходимлари, оммавий ахборот воситалари вакиллари иштирок этди.

Ўзбекистон Республикаси Бош прокурори И.Абдуллаев, Тошкент давлат юридик университети ректори Е.Каньязов, Жаҳон иқтисодиёти ва дипломатия университети ректори А.Жуманов, Бердақ номидаги Қорақалпоқ давлат университети ректори вазифасини бажарувчи М.Ибрагимов ва бошқалар Президентимиз раҳнамоларида юридик таълимни тубдан ислоҳ қилиш, суд-ҳуқуқ тизimini малакали кадрлар билан таъминлаш, бўлажак ҳуқуқшуносларга жаҳон андозалари даражасида таълим бериш ва уларнинг малакасини ошириб бориш масаласига алоҳида эътибор қаратилаётганини таъкидлади.

Биринчи Президентимизнинг 2013 йил 28 июндаги “Юридик кадрлар тайёрлаш тизimini янада такомиллаштириш чора-тадбирлари тўғрисида”ги Қарори бу борадаги ишлар кўламини кенгайтиришда муҳим омил бўлиб хизмат қилаётди.

ЮҚОРИ МАЛАКАЛИ КАДРЛАР ТАЙЁРЛАШ – ДАВР ТАЛАБИ

Бугунги кунда олий таълим муассасаларида юридик фанларни ўқитиш тизими тубдан такомиллаштирилиб, назариянинг амалиёт билан уйғунлигини таъминлаш мақсадида суд ва ҳуқуқни муҳофаза қилувчи органларнинг таърибли ходимлари талабалар билан машғуллотлар ўтказишга жалб қилинмоқда. Бу амалиёт ўз самарасини бермоқда.

Давлатимиз раҳбари Шавкат Мирзиёевнинг жорий йил 7 февралдаги “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги Фармониди ҳам мазкур ислохотларни янада изчил давом эттиришга доир аниқ ва устувор вазифалар белгиланган.

Тадбирда талабаларга прокуратура органлари фаолиятининг асосий йўналишлари, Бош прокуратуранинг

олий таълим муассасалари билан юридик кадрларни тайёрлаш бўйича ҳамкорлиги, прокуратура органларининг жиноятчиликка қарши курашиш фаолиятини мувофиқлаштириш борасидаги роли, судларда ишлар кўрилишида прокурор ваколатлари ҳақида батафсил маълумот берилди.

Бош прокуратуранинг жиноий судлов иш юритиш борасидаги халқаро ҳамкорлиги, прокуратура органларининг қонунчиликни тарғиб қилиш ва ҳуқуқбузарликларнинг профилактикаси бўйича фаолияти ҳақида ҳам тўхталиб ўтилди.

Юқори малакали юридик кадрларни тайёрлашнинг янада самарали механизмлари жорий этиш мақсадида Ўзбекистон Республикаси Бош прокуратураси, Тошкент давлат юридик, Жаҳон иқтисодиёти ва диплома-

тия, Бердақ номидаги Қорақалпоқ давлат университетлари ўртасида юридик кадрларни тайёрлаш соҳасида ҳамкорлик тўғрисидаги меморандум имзоланди.

Ушбу ҳужжатга мувофиқ талаба-ёшлар прокуратура органларида малака ошириб, амалиёт ўтайди, соҳа ходимлари билан ҳамкорликда ташкил этиладиган турли конференциялар, давра суҳбатлари, учрашув ва танловларда қатнашади.

– Меморандумнинг имзоланиши олий ўқув юртиларида тахсил олаётган талабалар учун назарий билимларини амалиётда янада мустаҳкамлаш имконини беради, – дейди Бердақ номидаги Қорақалпоқ давлат университети доценти Сапаргул Утемураева. – Бу каби саъй-ҳаракатлар ёш ҳуқуқшуносларнинг ҳуқуқни қўллаш, таҳлилий фикрлаш қобилиятини ривожлантириб, соҳа бўйича назарий ва амалий билимларини бойитишга, мустақил қарор қабул қилиш кўникмасини оширишга хизмат қилади. Бундай ҳамкорлик ўзининг ижобий самарасини беришига ишонамиз.

Г.САТТОВА,
ЎЗА муҳбири

Қарор ва ижро

НАВБАТДАГИ РЕЖАЛАР БЕЛГИЛАБ ОЛИНДИ

Куни кеча Тошкент шаҳар Адлия бошқармасида Ҳуқуқий-тарғибот ва маърифат бўйича давлат органлари ишларини мувофиқлаштириш бўйича Идоралараро кенгашининг Тошкент шаҳар ҳудудий комиссиясининг навбатдаги йиғилиши бўлиб ўтди.

Тадбирни Тошкент шаҳар Адлия бошқармаси бошлиғининг биринчи ўринбосари Х.Очилов кириш сўзи билан очар экан, Ўзбекистон Республикаси Президентининг 2017 йил 8 февралдаги “Қонун ҳужжатларини тарқатиш тизimini тубдан такомиллаштириш чора-тадбирлари тўғрисида”ги Қарорига мувофиқ ҳамда давлат органлари ва ташкилотларнинг жамиятда аҳолининг ҳуқуқий онги ҳамда маданиятини янада оширишга, қонунийликни мустаҳкамлашга йўналтирилган ҳуқуқий тарғибот ва маърифат соҳасидаги ишларни мувофиқлаштириш мақсадида ташкил этилган ушбу ҳудудий комиссия томонидан амалга оширилаётган ишлар хусусида қисқача тўхталиб ўтди.

Маълумки, Ижрочилар ва аҳолини қонунчиликнинг моҳияти ва аҳамияти тўғрисида хабардор қилишнинг сифатини тубдан ошириш, ушбу фаолиятни ташкил қилишга янги чинамда шувларини ишлаб чиқиш бўйича комплекс чора-тадбирларни қабул қилиш, аҳолининг турли қатламлари, шу жумладан тадбиркорлар ва ёшларнинг ахборотга бўлган эҳтиёжларини ҳисобга олган ҳолда ҳуқуқий тарғибот ишларини амалга оширишнинг замонавий механизmlарини жорий этиш, давлат органлари ва ташкилотларнинг ҳуқуқий ахборотдан кенг қўламада фойдаланишини таъминлаш, ушбу соҳада фуқаролик жамияти институтлари ва оммавий ахборот воситалари билан самарали ҳамкорлик қилиш ушбу ҳудудий комиссиянинг асосий вазифаси этиб белгиланган. Шундан келиб чиққан ҳолда, йил давомида ушбу ҳудудий комиссия томонидан амалга ошири-

ладиган иш режаси ҳам белгилаб олинган. Ушбу режа бўйича аҳоли, жумладан, ёшларнинг ҳуқуқий маданиятини юксалтириш, фуқаролик позициясини янада мустаҳкамлаш ва ташаббускорлигини ривожлантиришга қаратилган маънавий-маърифий, ҳуқуқий-саводхонлик тадбирлари ўтказилиб келинмоқда.

Жумладан, бу борада Ҳуқуқий тарғибот ва маърифат бўйича давлат органлари ишларини мувофиқлаштириш бўйича Идоралараро кенгаш Тошкент шаҳар ҳудудий комиссияси аъзоси, Тошкент шаҳар Ички ишлар бош бошқармаси катта юриконсулти Ф.Зиявуддинов бошқарма томонидан олиб борилаётган ишлар тўғрисида тўхталиб, ҳафтанинг ҳар пайшанба куни Тошкент шаҳар Ички ишлар бош бошқармасида прокуратура идоралари билан ҳамкорликда ҳамда ОАВ иштирокида брифинг, “Жиноятчиликка қарши мурасасизлик – жамият барқарорлиги гарови” кўрсатуви орқали Тошкент шаҳар Ички ишлар идоралари раҳбарлари халқ олдида ҳисобот бериб келишга қаратилган, шунингдек 27 та таълим муассасалари ҳамда 139 та маҳаллаларда ҳуқуқий-маърифий давра суҳбатлари ўтказилганлиги тўғрисидаги бир қатор маълумотларни келтириб ўтди.

Ўзбекистон Республикаси Адлия вазирлиги, шаҳар прокуратураси, суд ва ҳуқуқни муҳофаза қилувчи идоралар ходимлари ва ОАВ вакиллари иштирок этган ушбу йиғилишда комиссия аъзоларининг фикр-мулоҳазалари эшитилди ва навбатдаги иш режалари белгилаб олинди.

Шоира МУХАМЕДОВА

Миробод тумани ҳокимлигида туман прокуратураси, Бандликка кўмаклашиш маркази, тиббиёт бирлашмаси ва тегишли идоралар билан ҳамкорликда меҳнат ярмаркаси бўлиб ўтди. Унда асосан туманда фаолият кўрсатувчи тиббиёт муассасалари ўзларининг мавжуд бўш иш ўринлари билан иштирок этишди.

БЎШ ИШ ЎРИНЛАРИ ЯРМАРКАСИ

Стендларда Миробод туман тиббиёт бирлашмасида бўш иш ўринлари бўйича маълумотлар рўйхати жойлаштирилди. Тадбирда “Ўзбекистон темир йўллари” АЖ Марказий СЭС ҳамда марказий поликлиникаси, шаҳар 3-сонли клиник ва болалар руҳий асаб касалликлари шифохонаси, тумандаги 7-сонли болалар стоматологияси, 1, 2, 3 - сонли оилавий поликлиникалар, Марказий кўп тармоқли поликлиника ва бошқа тиббиёт муассасалари ўзларида мавжуд бўш иш ўринлари билан қатнашди.

– Кўргазмани ўтказишимиздан мақсад, тиббиёт коллежи битирувчиларини, иш излаб юрган шифокорларни ўз йўналишлари бўйича ишга жойлаштиришда амалий кўмаклашишдан иборат, – дейди Миробод тумани Бандликка кўмаклашиш маркази раҳбари Бекзод Олимов. – Бугунги тадбирда тумандаги тиббиёт муассасалари ўзларининг 200 га яқин вакант иш ўринлари билан қатнашаётди.

– П.Боровский номи тиббиёт коллежининг ҳамширалик иши йўналиши бўйича тахсил олиб келаяпман, – дейди битирувчи Моҳинур Абдуллаева. – Бу ердаги бўш иш ўринлари билан танишиб чиқиб, ўзимга керакли маълумотларга эга бўлдим. Ўзимга ёққан ва қулай бўлган шифохона билан шартнома имзоладим.

– Бу каби тадбирларни йил давомида ўтказиб боришга келишиб олдик, – дейди Миробод тумани прокурори ўринбосари Алишер Каримов. – Мана бугун тиббиёт йўналишида бўш иш ўринлари бўйича тадбир ташкил қилинган бўлса, кейингиларида бошқа соҳаларни қамраб олган ҳолда меҳнат ярмаркалари ташкил этамиз.

Шунингдек, меҳнат ярмаркасида иштирокчиларга тумандаги “Саноатқурилишбанк”, “Алоқа банк” сингари тижорат банклари кредит имкониятлари билан таништирилди.

Ш.ЗОКИРОВ

XXI аср *сағоси*
Барча манбалардан олинган сўнгги хабарлар

МАМЛАКАТИМИЗДА

● Бухоро вилояти кўп тармоқли тиббиёт марказида Жанубий Кореянинг “Vision Care” халқаро ташкилоти офтальмолог-шифокорлари аҳолини тиббий кўрикдан ўтказди. Мурожаат қилганларнинг қарийб 100 нафарида катаракта бартараф этилиб, кўз гавҳари алмаштирилди.

● Фарғонада “Камалак” билим-донлари” республика кўрик-танловининг вилоят босқичи бўлиб ўтди. Танловда жамоалар танишув, саҳна кўриши, савол-жавоб, ижтимоий лойиҳа каби йўналишларда билим ва маҳоратини намойиш этди. Бувайда туманидаги 3-умумтаълим мактабининг “Дўстлик” жамоаси биринчи ўринни эгаллади ва танловнинг мамлакат босқичига йўлланма олди.

● Навоийда ҳудудий саноат ярмаркаси ва кооперация биржаси ўтказилди. Ўзбекистон Республикаси Вазирлар Маҳкамасининг 2017 йилда Халқаро саноат ярмаркаси ва Кооперация биржасини ташкил этиш ва ўтказиш чора-тадбирлари тўғрисидаги қарори ижроси доирасида ташкил этилган тадбирда 250 ишлаб чиқариш корхонаси ўз маҳсулотлари билан қатнашди.

● Андижонда сабзавотчиликни ривожлантириш, соҳага янги технологияларни жорий этиш, томорқадан унумли фойдаланиш, сабзавот маҳсулотлари етиштириш ва экспорт ҳажмини ошириш масалаларига бағишланган илмий-амалий семинар бўлиб ўтди.

ЖАҲОНДА

● АҚШнинг Нью-Йорк шаҳрида ташкил этиладиган автомобилларнинг аънавий халқаро кўргазмаси очилиши арафасида “Бутунжаҳон йил автомобили” танловининг якунлари эълон қилинди. Танлов натижаларига кўра Буюк Британиянинг “Jaguar Cars” компанияси маҳсулоти — “Jaguar F-Pace” русумидаги машина биринчи ўринни эгаллади. Кейинги ўринлар Германиянинг “Audi Q5” ҳамда “Volkswagen Tiguan” моделлари-га насиб этди.

● Колумбияда ер кўчиши натижасида 11 нафар одам ҳалок бўлди, 20 киши тан жароҳати олди ва бир нечта одам бедарак йўқолди. Кучли ёмғир ёғиши туфайли рўй берган ушбу табиий офатдан 25 та туман жабрланди, 75 та уй вайрон бўлди, 400 га яқин оила эвакуация қилинди. Ҳозирда бу ерда қидирув-қутқарув ишлари давом этмоқда.

● 400 метр кенгликка эга улкан астероид ерга жуда яқин — 1 миллион 800 минг километрлик масофадан учиб ўтди. Шу боис уни оддий телескоп орқали ҳам кузатиш мумкин эди. НАСА мутахассислари астероиднинг ерга ҳеч қандай таъсир кўрсатмаганини таъкидлашди. Бу 2004 йилдан буён ерга энг яқин масофада учиб ўтган космик жисм бўлиб, олимлар кейинги 500 йил давомида бундай ҳодиса рўй бермаслигини тахмин қилишмоқда.

